

卷四十五

書名 群書考索後集六十五卷
正德十三年建陽劉氏慎獨書齋刊本

撰者 宋 章如愚 撰
卷 四十五

內容分類 子-類書-彙考-宋
子部-類書-17
索書號 C5930500
編號

彩色首頁

[東洋文化研究所漢籍目錄](#) 編號: C5930500

[東洋文化研究所漢籍目錄所藏漢籍善本文影像資料庫](#) 索書號: 子部-類書-17

[漢籍善本文影像資料庫文本](#) 群書考索後集六十五卷 正德十三年建陽劉氏慎獨書齋刊本

版權所有: 東京大學 東洋文化研究所

[使用上的注意事項](#)

群書考索卷之一

官制門

官數

唐官六十
官未聞堯舜同道或皆六十并屬官而言則皆有百

虞官六十
堂位曰有虞氏

夏官一百
明堂位曰夏官尚書云夏商官
倍則當二百矣而鄭云百二十

商官二百
明堂位曰商官二百而鄭
云二百四十合依鄭說

周官二千六百七十五人
內二千六百四十三人外諸侯
國官六萬一千。三十二人

秦制爵
賞功勞

漢官七千五百六十七人
內一千。五十五人外
丞相凡十三萬二千八百八十五人
哀帝時官數兼
諸侯州郡胥吏

後漢文武官
都計內

山堂先生章俊卿編輯
建陽知縣區玉刊行

後集

群書考索卷四十五

後集

山堂先生章俊卿編輯
建陽知縣區玉校刊

○兵門

車戰類

書曰武王戎車三百兩

周禮車僕有戎路廣車闕車革車輕車。大司馬教兵之法易野車為主。車戰之法每車用甲士三人步卒七十二人行則以車為衛若則以車為營一車之間又有粹車詳見後

周禮車僕曰凡師共革車各以其卒是也

武王問太公曰戰車奈何太公曰車貴知地形凡車之死地有十勝地有八詳見後

春秋初鄭伯之車憤于濟隱三年三月後以徒兵從事而於車或缺隱四年

曲沃武公伐翼遂翼于侯汾濕膠結而止韓四邨之戰楚君之戎分為
二廣晉申公巫臣于吳教吳乘車由是吳通於上國成七年齊侯伐衛
有先驅有申驅有貳廣有啓左翼曰啓有朕有大駁晉中行穆之禦狄
于太原將戰魏舒曰彼徒我車所遇又阨乃毀車以為行大敗翟人而
車戰漸廢

戰國以來乃用騎兵而車猶有間見者

漢晁錯以輕車突騎為中國之長技術青與匈奴戰以武剛車自環為
營李陵對單于亦以大車為營此車之用於西都者也

後漢光武造戰車可駕數牛止作數櫓置於塞上以拒匈奴

靈帝之時陽璇為零陵守制車數十乘以禦賊此車之用於東都者也
曹操新書攻車七十五人守車一隊共二十五人田豫與虜戰亦用車
而戰

晉馬隆征羗八陣圖用扁廂車地廣則鹿角車營路狹則為木屋施於
車上此車之用於魏晉也

劉裕伐南燕亦以車四千乘為左右翼朱超石戰河上以車百乘抱河
為外月營

魏大武北伐蠕蠕用車十五萬兩

隋諸將與突厥戰皆戎車步騎相參與鹿角為方陳此車之用於南北
者也

唐李靖與太宗論兵法曰魏蕩騎兵也戰鋒隊步騎相半也駐隊兼車
乘而去也臣討突厥越險數千里此而未嘗敢易則唐固嘗用車矣

元宗時哥舒翰節度隴右造戰車象以狻猊則唐又嘗用車矣至於房
琯之敗遂以為用車不若用人與騎之愈抑不知古者以馬而琯以牛
車二千乘馬步夾之非其素習則敗之固宜此非車之不利而用之者
非其道也

宋至和中韓琦言郭固造戰車約以古制其車前銳後方上置七鎗以
為前後二拒行載兵甲止為營陳

又論車戰

春秋如韓原之戰秦伯將止之鞏之戰韓厥中御而從齊漢鄆陵之戰卻至遇楚子韓厥從鄭伯邲之戰楚子乘廣以逐趙旃用車以戰而使敵人便得與吾元帥相接則是環衛之車不設也蓋古者車戰之法前後整齊必有護衛前後行列元帥未易動搖也至春秋中列國用之往往軍伍不整而元帥每以車逐利混然左右率無定法故敵人得以反之終春秋之世致毀者未有不由車戰之無法而輕動搖也惟縹緲之戰二拒用事若原繁高渠彌以中軍奏公未嘗輕動搖深得古法

車戰再啟

車戰之法自夏啓誓御馬以正而勝有苞。周文王以戎車既駕而服穢狃武王戎車三百兩虎賁三千人書也宣王以其車三千威蠻荆詩。春秋魯僖公攻伐淮夷戎車孔博衛文公元年革車三十乘季年乃三百乘宋華元甲車四百六十乘魯威公之會諸侯有兵車有乘車楚子為乘廣三十乘分為左右廣鷄鳴而駕日中而說左則受之日入而說是皆用車而制勝也。漢夏侯嬰破李田軍雖兵以兵車趨戰疾破

之傳灌嬰以御史大夫將。車騎別追項籍至東城破之傳武帝以經

車將軍公孫賀出雲中本衛青武剛車自環為營而縱五千騎往當

匈奴本。唐裴行儉突厥阿史德温傳反行儉詐為糧車三百乘伏

壯士五輩虜果掠車中士突以殺獲幾盡本初李光弼在太原乃徹民

屋為欄車二百人挽之石所及輒數十人死賊傷十二本初馬燧為戰

車行以載兵止則為陣討田悅燧乃推大車樊悅將陽朝光柵破之本傳

車戰之法

武王問於大公曰以車與騎步戰所當幾何公曰車者軍之羽翼也

所以陷堅陣要強敵避比走也易戰之法一車當步卒八十人八十

人當一車一車當六騎六騎當一車十乘敗千人百乘敗萬人此其

大數也置車之吏數五車而一長十車而一吏五十車而一率百乘

而一行易戰之法五車為列前後相去四十步左右十步險戰之法

車必循道本。張二十車為屯前後相去二十步左右六步隊間

三十六步五車本。張縱橫相去一里各返故道選車士之法取年四

十以下長七尺五寸以上走能逐馬及馳而乘之前後左右上下周旋能縛乘旌旗力谷八石弩射前後皆便習者武車之士不可不厚也六韜

車戰之地

凡車之死地有十其勝地有八往而無還者車之死地也越絕險阻乘敵遠行者車之竭地也前易後險者車之因地也陷之險阻而難出者車之絕地也圯下漸澤黑土黏埴者車之勞地也左險右易上陵抑阪者車之逆地也股草橫敵犯歷深澤者車之拂地也車少地易與步不敵者車之敗地也後有溝瀆左有新水右有峻坂者車之壞地也日夜霖雨旬日不止道路潰陷前不能進後不能解者車之陷地也此十者車之死地也敵之前後行陣未定則陷之旌旗擾亂人馬數動則陷之士卒前後相顧前往而疑後恐而怯則陷之三軍卒驚中薄而起則陷之戰於易地暮不能解則陷之遠行而暮舍三軍恐懼則陷之此八者車之勝地也六韜

車而勝

晉荀吳敗無終及群狄于太原將戰魏舒曰彼徒我車所遇又阨以什其車必克困諸阨又克請能卒自我始乃毀車以為行伍乘為三五為伍陣以相離兩於前伍於後專為右角偏為前拒以誘之狄人笑之未陣而薄之大敗之左昭元年

用車而敗

言車戰之利者莫如孫武故曰馳車千乘所謂馳車者以其車輕而可馳者也所謂革車者以其鞏於外而可以禦火攻者也至於唐房琯知馳車之為利而不知革車之為固此咸陽之戰所以卒敗於火攻也歟

論車戰

言車戰於今日當以國初論不當以中興論是正與舟師相反也大抵平地用車戰水澤用舟戰國於東南者之不善於車猶國於西北者之不善於舟也太宗嘗曰戈擢之戰南方所利也高宗嘗曰江湖沮知之

地雖有車騎亦何用之

紹興三年上曰近有獻車戰者朕謂在人不在車江湖沮洳之地雖有車騎亦何用之

高宗之論車戰其猶太宗之論舟師乎雖然中興之初但為守計也雖不習車可也今日之治不但為守計也不習車不可也是故當以國初論不當以中興論也今之為車戰者必當曰符彥卿之拒馬寨如之何而收其效見米守信之寨脚車如之何而極其利

米守信知澧州遣李錫持新樣流星弩拒馬牌寨脚車山字甲八種來進

至則歛兵退則出兵自比於衛青必如田況之言而後可也

咸平四年吳淑請復古車戰之法衛青李陵田豫馬隆皆以車而勝近符彥卿破虜陽城亦拒馬為行寨天匈奴所長者騎兵也苟非連車以制之則何以禦其奔突哉故用車戰為便其制取常用車接其衝軼駕以牛車上置槍以為外衛烈士卒於車外賊至射之乃出騎

兵擊之此制虜要術也戰之用車一陣之甲鎧也故可以行止為營陣賊至則歛兵附軍以拒之賊退則乘勝出兵以擊之山則籍此為所歸之地入則以此為所居之宅故人心有依不懼胡騎之陵突也行載兵甲止為營陣自比於馬燧必如郭固之式而後可也

至和二年韓琦言郭固就民車約古制為之臨陣禦敵緩急易集其車前銳後方上置七槍為前後二拒此馬燧戰車行載兵甲止為營陣也又以民車之箱增為重廂高四尺四寸用革輓之吳起所謂革車掩戶輓輪籠較是也琦以為可用於平川之地臨陣以折奔衝下營以為寨脚今令固自費車式進呈試之以因為衛尉寺丞

有大車有小車山徑之蹊不可用大車其無如范公仲淹之策乎

范仲淹上仁宗議攻云延安之西慶州之東有賊界百餘里浸入漢

地唐馬燧造戰車行載甲兵止為營陣此路山波大車難進當用小車二十兩銀絹錢二十萬賞有功將吏

有兵車有民車干戈之際不可以用民車其無如沈公括之言乎

北虜將入寇遣中貴人取兩河民車為備民大驚擾一日沈括立御
座側神宗曰卿知籍車之事乎括曰車戰之利見於歷世臣但未知
一事古人所謂輕車者兵車也今之民車重大以牛輓之日不能行
三十里少蒙雨雪跬步不進故俗謂之太平車恐兵間不可用爾神
宗喜曰無人如此語朕遂罷取民車

意出軍彭彭旂旄央央徽猷之襄易事也我車既攻我馬既同夷狄之
不攘無有也如徒曰此唐人房次律之覆轍不可用得無因噎而食
乎林嗣

舟師

黃帝堯舜剡木為舟剡木為楫

春秋魯定公四年吳王闔廬帥唐蔡之師以伐楚捨舟于淮汭自豫章
與楚夾漢左司馬戌欲毀其舟武城黑謂子常曰吳用木也我用革也
不如速戰乃自小別至于大別天熱擊之三戰皆勝楚子昭王涉睢濟
江入于雲夢之內中國之用水戰自闔廬始。九年吳城邦溝通江淮

○十年吳舟師自海入齊張儀說秦王曰秦西有巴蜀治船積粟浮海

江而下不十日拒扞關。襄公二十四年楚子為舟師以伐吳。昭十

七年長江之戰楚獲吳乘舟餘皇。二十四年楚子為舟師以畧吳疆

漢高帝遣韓信已定齊項羽使龍且將二十萬救齊王田廣與信夾淮

水陣信乃夜令人為萬餘布囊盛沙壅水上流引軍半渡水信使人決

壅囊水大至龍且軍大半不得渡即急擊殺龍且水東流遂敗走後信

進兵擊魏魏盛兵蒲坂塞臨晉信為疑兵陳船欲渡臨晉而伏兵

從夏陽以木罌缶渡軍襲安邑魏王豹驚引兵迎信信遂虜豹定河東

服虔曰以木柙縛罌缶以渡也

武帝時有樓船有文船有下濼有橫海江淮青齊皆有樓船軍以擊南

越枚東歐則用江淮會稽樓船滅朝鮮則用齊樓船又開昆明池以習

水戰漢武帝時東越數反覆朱買臣回言東越王居保泉山一人守險

千人不得上今聞越王更徙南行去泉山五百里君大澤中發兵浮海

直指泉山陳舟列兵帶卷南行可破滅也上拜買臣會稽太守詔買臣

到郡治樓船備糧食水戰具歲餘買臣受詔與韓說俱擊破東越買臣
○元鼎五年南越反遣伏波將軍路博德出桂陽下湟水樓船將軍楊
僕出豫章下滇水歸義越侯嚴為戈船將軍出零陵下離水甲為下瀨
將軍下蒼梧咸會番禺

後漢光武伐蜀岑彭裝戰樓船數十艘吳漢以棹卒多費糧穀人罷之
帝報曰大司馬習步騎不時水戰荆門之事一由征南公為重岑彭裝
直進樓船與冒突露撓數十艘

直進取其有進而無退冒突取其冒突而敢前謂之露撓則揖露在
外而兵藏於舟中也

發桂陽零陵長沙三部委輸棹卒凡六萬餘人會於荆門○漢末關羽
領兵圍樊呂蒙以大軍泝江襲其空虛伏甲於舟更衣為商人以理征
棹卒襲奪荆州曹操既平劉表得所治水軍而吳孫權與操遇于赤壁
周瑜亦用蒙衝闖艦數千艘以火攻之操軍敗走

三國劉備為曹公所破欲引南渡江與魯肅遇於當陽遂合兵因進往

夏曰遣諸葛亮詣權權瑜及程普等與備并力逆曹公于赤壁曹公軍

引次江北瑜等在南岸瑜部將黃蓋曰今寇衆我寡難與持久然觀操

軍方連船艦首尾相接可燒而走也遂同時發火操軍大敗周瑜

晉武欲伐吳令王濬作舟艦於益州其大艦方百二十步受三千餘人

以木為城起樓櫓開四出門其上皆得馳馬往來後濬順流以舟直指

建業遂平吳○太康元年杜預向江陵王濬唐彬擊破丹陽監盛紀吳

人於江積要害之處並以鐵鎖橫截之又作鐵錐長丈餘暗置江中以

逆拒舟艦濬作大筏數十餘方百餘步縛草為人披甲持杖令善水者

以筏先行筏遇鐵錐錐輒著筏而去又作火炬長十餘丈大數十圍在

船前遇鎖燃炬燒之須臾融液斷絕於是船無所礙濬克西陵杜預遣

周旨等帥奇兵八百泛舟夜渡江吳孫歆曰北來諸軍乃飛渡江也通鑑

東晉元溫伐秦引舟自清水入河舳舻數百里至枋頭以水運路不通

又戰數不利焚舟棄輜重鎧仗陸道奔還○巨元求為廣州受命而不

行豫州刺史庾楷以道子割其四郡遣其子說王恭恭以告殷仲堪巨

元推恭為盟主刻期同趣京師仲堪悉以軍事委楊佺期使佺期率舟師五千為前鋒亘元次之仲堪帥兵相繼而下佺期元奄至湓口王愔惶遽奔臨川元遣偏軍追獲之

安帝時劉裕伐南燕舟師自淮入泗裕大治水軍遣孫處沈田子自海道入番禺盧循兵守廣州者不以海道為虞孫處乘海奄至即日拔其城劉裕遣朱齡石伐蜀令齡石從外來取成都率平蜀又裕伐秦使沈林子將水軍出石門自汴入河又使王仲德開鉅野入河裕將水軍自淮泗入清河沂河西上王鎮惡請率水軍自河入渭以趨長安乘蒙衝水艦行船者皆在艦內秦人驚以為神至渭橋奔船登岸大破姚丕於渭橋遂入長安

宋元嘉北伐之師舟師皆自泗入河

魏元英攻徐州韋睿救之裝大艦為水軍以小船載草用火攻之魏軍大潰

梁相東王命王僧詳等東擊侯景侯子監屯姑熟以拒西師景遣兵助

之僧詳至子監帥步騎萬餘入度洲以岸挑戰又以舸艦千艘載戰士

僧詳麾細船皆令退縮留大艦夾泊兩岸子監之衆謂水軍欲退爭出

趨之大艦斷其歸路鼓譟大呼合戰中江子監大敗

陳江陵不守霸先奉晉安王即位齊遣兵五千渡江獲姑熟帝乃遣侯

安都領水軍夜襲胡野燒齊船周鐵虎率舟師斷齊運輸齊兵大潰霸

先將精甲自西明門出擊之往采石迎齊援督兵疾戰燒柵齊人大潰

盡收其船艦齊兵還擾石頭帝遣侯安都領水軍襲破之

陳武帝時徐嗣徽引齊人渡江獲蕪湖帝詔文育還都嗣徽等乃列艦

於青墩至於七磯以斷文育歸路又文育鼓譟而發嗣徽等不能制

而文育反攻之嗣徽驍將鮑磻獨以小艦殿文育乘單舸跳入磻艦

斬磻仍牽其人而還賊衆大駭因留船蕪湖自丹陽步上時武帝拒嗣

徽於白城適與文育會將戰風急武帝曰矢不逆風文育曰事急矣當

決之何用古法抽檣上馬而進衆軍隨之風亦尋轉殺傷數百人嗣徽

等移營莫府山文育徒頓對之頓戰屢敗

後梁王琳引合淝巢湖之衆舳舻相次而下陳侯瑱率軍進戰檻洲明日合戰琳軍少却及夕東北風吹其舟艦並壞夜中有流星墜于賊營及旦風靜琳入浦以鹿角繞岸不敢復出時西魏將史寧躡其上流瑱聞之知琳不能持久收軍却擣湖浦以待其斃及史寧至圍郢州琳恐衆潰乃率船東下去蕪湖十里而泊明日齊人遣兵助琳瑱令軍中晨炊葦食頓蕪湖尾以待之將戰有微風至自東南衆軍施拍縱火定州刺史章昭遠乘平虜大艦中江而進琳軍大敗脫走以免者十二三。閩中守陳寶應舉兵反擣建安晉江二郡界水陸為柵陳將章昭遠討之擣其上流命軍士伐木帶枝葉為筏柏於其上綴以大索相次連營夾兩岸寶應數挑戰昭遠乃披甲不動俄而暴雨江水大漲昭遠放筏衝突水柵盡破又出兵攻其步卒寶應大潰遂剋定閩中。歐陽紇擣嶺南反陳將章昭遠督衆軍討之紇乃出頓滬口多聚沙石盛以竹籠置于水柵之外用過船艦昭遠居其上流裝艦造拍以臨賊柵又令其軍人銜刀潛行水中斫竹籠籠筏皆解因縱大艦隨流突之賊衆大敗

因而擒紇留異擣東陽叛陳將侯安都奉詔討之異本謂臺軍自錢塘江上安都乃步由會稽之諸暨出未康異大恐奔桃枝嶺處巖谷間立柵以拒守安都躬自接戰為流矢所中血流至踝安都乘輿麾軍容止不變因其山隴為堰壘夏潦水漲安都引船入堰樓艦與異城等放拍碎其樓異與其子脫身奔晉安

隋之平陳楊素造大艦名五牙容戰士八百人次名黃龍容五百人自餘平乘舳舻等各各有差則隋之舟師其可見者如此

楊素引舟師下三峽軍至流頭灘將軍賊斬以青龍百餘艘兵數千人守狼尾灘地勢險峭隋人患之素曰昔畫日下船被見我虛實灘流迅激制不由人不如以夜襲之素親帥黃龍數千艘銜枚而下素帥水軍東下舟艦被江旌甲耀日陳人望之懼曰清河公即江神也

通鑑

唐之討蕭銑孝恭以戰艦二千餘艘自夔發而東下則唐之舟師其可見者如此

唐詔發巴蜀兵以王孝恭李靖統十二總管自夔州順流東下以擊蕭銑孝恭帥戰人二千餘艘東下蕭銑以江水方漲殊不為備孝恭等拔其荆門宜都二鎮進至夷陵銑將文士弘將精兵數萬屯清江孝恭擊走之獲戰艦二百餘艘銑出兵拒戰恭將擊之李靖止之孝恭不從自帥銳師出戰果敗走銑衆委舟收掠軍資靖見其衆亂大破之大獲舟艦李靖使孝恭盡拔之江中銑援兵見舟艦疑不進通鑑梁王彥章攻晉晉人以鐵鎖斷德勝口彥章陰遣人具舟命甲士六百人皆持巨斧又令舟載糶炭燒斷之因以巨斧斬浮橋遂破南城

晉以鐵鎖斷德勝口築河南北兩城號來寨又取鄆州梁人大恐帝召王彥章為招討使段凝為副至滑州置酒大會陰遣人具舟於楊村命甲士六百人皆持巨斧載冶者具糶炭乘流而下彥章酒半佯起更衣引精兵數千沿河以趨德勝舟兵舉鎖燒斷之以巨斧斬浮橋而彥章引兵急擊南城遂破。梁正明五年具越王錢鏐大舉討淮南以傅瓘為諸軍都指揮使帥戰艦五百艘自東州擊吳吳遣彭

彥章陳汾拒之傅瓘命每船皆載灰豆及沙戰于狼山江順風揚灰吳人不能開目因縱火焚吳船吳兵大敗俘吳裨將七十人斬首千餘級焚戰船四百艘梁賀懷攻德勝南城以竹管聯艨艟十餘艘橫於河流以斷晉之救兵使不得渡晉王暉於北岸不能通守將石延賞告矢石將盡晉王積金帛於軍募能破艨艟者軍校王建及進曰賀壤悉衆而來冀此一舉若我軍不渡則彼為得計今日之事請死決之遂以巨索聯舟十艘選勇卒三百人持斧鼓柁而行將至艨艟流矢雨集建及使持斧者入賊艨艟間斧其竹竿破其垂楯以稍刺之又以木鬣載薪沃油燃火於上流縱之隨以巨艦實甲士鼓譟攻之艨艟既斷隨流下梁兵焚溺者殆半

周世宗還自壽春以南方水軍敏銳於京城側開池造船艦數百艘招誘南卒教習北人水戰數月之後縱橫出沒無不可用者則五代舟師其可見者如此

顯德三年周太祖發大梁李谷攻壽州久克唐劉彥貞引

兵救之又以戰艦數百艘趣正陽為攻浮梁之勢李重進渡淮逆戰破之帝至壽州營於淝水之陽徙正陽浮梁於下蔡鎮唐兵維舟於淮營於塗山之下帝命擊之戰艦五千餘艘。張永德屯下蔡唐將林仁肇等以水陸軍援壽春永德與之戰肇以船實薪芻因風縱火欲焚下蔡浮橋俄而風回敗退永德為鐵綆千餘尺橫絕淮流繫以巨木唐兵不能近是時唐復以水軍攻之永德夜令善游者沒其船下蔡以鐵鎖縱兵擊之溺死其眾永德解金帶以賞善游者。顯德四年先是周與唐戰水軍銳敏周人無以敵之帝每以為恨返自壽春於大梁城西汴水側造戰艦數百艘命唐澤本教北人水戰數月之後縱橫出沒殆勝唐兵命王瓌將水軍自颍河沿潁入淮命趙鼎將水軍沿淮而下帝軍于趙步諸將擊唐紫金山寨大破之餘眾東走帝自將騎循北岸追之諸將循南岸追之水軍自中流而下唐兵戰溺死及降者殆四萬人獲船船糧仗十萬數後遂克壽州。帝自攻濠州王審琦拔其六寨唐人也戰船數百於城北植巨木於淮水

以限周兵命水軍攻之拔其木焚戰艦七十餘艘斬首二千餘級又聞唐有戰船數百艘在渙水東欲救濠州將兵夜發水陸擊之大破唐兵於洞口十二月克四州又聞唐戰船數百艘泊洞口上自將親軍自淮使進命太祖皇帝自淮南進諸將以水軍自中流進北迫唐兵棄勝爭進皆忘其勞且戰且行金鼓聲聞數十里追直至楚州西北大破之擒其節度陳承昭以歸所獲戰船燒沉之餘得三百餘艘士卒殺溺之餘得七千餘人唐之戰船在淮上者於是盡矣。顯德五年上欲引戰艦自淮入江阻北神堰不得度欲鑿楚州西北鶴水以通其道遣使視言不便上自獨授以規畫發楚州民夫浚之旬日而成巨艦數百艘皆達于江唐人大驚以為神

定太祖建隆二年正月壬寅幸造船務觀習水戰

已未幸造船務二月丙寅幸造船務。三年冬十月丙戌幸造船務觀習水戰甲戌幸城南觀修水櫃。乾德元年正月丙子詔荆南發水兵三千人赴潭州夏四月庚寅出內府錢募諸軍子弟數千人鑿

池於朱明門外引蔡水注之造樓船百艘選卒號水虎捷習戰池中
命右神武統軍陳承昭董其役十月甲辰幸新池賜役夫錢丁卯幸
新池觀習水戰。乾德二年二月戊申幸教船池三月辛巳幸教船
池賜水軍將士衣有差七月辛巳幸新池觀習水戰八月乙卯幸造
船務。乾德三年秋七月巳巳上泛舟於後苑新池賜從官飲一酉
幸教船池乾德四年七月巳巳幸造船務。乾德五年二月巳丑幸
教船池。開寶三年四月甲午幸教船池七月戊辰幸教船池。四
年三月乙巳幸教船池五月辛巳幸教船池。六年正月壬申以教
船池為講武池。七年五月丙寅幸講武池觀習水戰丙子又幸講
武池觀習水戰七月壬子幸講武池觀習水戰初江南人樊若水舉
進士不第上書言事不報遂謀北歸先釣魚采石江上以小舟載絲
繩其中維南岸而疾棹抵北岸以度江之廣狹凡數十往返而得其
丈尺之數遂諸闕自言有策可取江南。戊辰召若水為贊皇大夫
且遣使諸荆湖如若水之策造大艦及黃龍船數千艘將浮江以濟

師也八月巳丑幸講武池觀習水戰賜軍人錢甲辰幸講武池觀習
水戰冬十月甲申上幸迎春苑登汴堤發戰艦東下丙戌幸迎春苑
觀諸軍習戰遂幸東水門發戰棹東下閏十月巳酉曹彬等入池州
先是上遣八作使郝守濬率丁匠自荆南以大艦載巨竹絙并下荆
州所造黃龍船於采石磯跨江為浮梁或謂江闊水深古未有浮梁
而濟者乃先試於石牌口既成命前汝州防禦使靈立陸萬友往守
之丁巳彬等及江南兵戰於銅陵敗之獲戰艦二百餘艘生擒八百
餘人十一月癸未籍恭寧節度使李從善麾下及江南水軍凡千三
百餘人為禁旅號曰歸聖巳丑知漢陽軍李恕敗江南鄂州水軍三
千餘人獲戰艦四十餘艘甲午曹彬等敗江南兵數千人於新林寨
獲戰艦三十艘十二月丁未漢陽軍兵馬監押甯光祚敗鄂州水軍
三千餘人於北岸丙寅曹彬等破江南兵於新林港口斬首二千級
焚戰艦六十餘艘。八年春正月丙子權知池州樊若水敗江南兵
四千人於州界初曹彬等師未出上命韶州刺史王明為黃州刺史

面受方畧明既視事丞修葺城壘訓練士卒衆莫諭其意及彬等出師則以明於池州至岳州江路巡檢戰棹都部署辛巳明遣兵馬都監武守謙等領兵渡江敗江南兵萬餘人於武昌殺七百人拔樊山寨是日行營左廂戰棹都監田欽祚領兵敗江南兵萬餘人於溧水斬其都統使李雄甲申王明言敗鄂州兵三百餘人於江南岸庚申曹彬等進攻金陵行營馬軍都指揮使李漢瓊率所部度秦淮南取巨艦實以葭葦順風縱火攻其水寨拔之斬首數千級初次秦淮江南兵水陸十餘萬背城而陣時舟楫未具潘美下令曰美提驍果數萬人戰必勝攻必取豈限此一衣帶水而徑渡乎遂率所部先濟王師遂之江南兵大敗江南復出兵將汭流奪采石浮梁美旋擊破之擒其神衛都軍頭鄭賓七人二月癸丑曹彬等敗江南兵萬餘衆於白鷺洲斬首五千餘級擒百餘人獲戰艦五十艘三月乙酉幸造船塲庚申曹彬等敗江南兵二千餘衆於江中擒五百人夏四月戊辰幸講武池觀習水戰癸丑幸都亭驛臨河亭閱新戰船壬戌幸都亭驛臨汭觀飛江兵乘刀魚船習戰五月丁酉王明言破江南萬餘衆於武昌奪戰艦五百艘六月癸卯曹彬言敗江南兵二萬餘衆於其城下奪戰艦數千艘冬十月戊午江南偽將朱令斌自湖口以衆入援號十五萬縛木為筏長百餘丈戰艦大者容千人順流而下將焚采石浮梁王明率所部兵屯獨樹口遣其子馳騎入奏具請增造戰船三百以襲令斌上曰此非應急之策也令斌朝夕至金陵之圍解矣乃密遣使令明於洲浦間多立長木若帆檣之狀令斌望見疑有伏即稍逗遛時江水淺涸不利行舟令斌獨乘大航高十餘重上建大將旗播至皖口行營步軍都指揮使劉遇聚兵急攻之令斌勢蹙因縱火距鬪會北風甚火反及之其衆悉潰己未生擒令斌及戰棹都虞候王暉等獲兵仗數萬金陵獨恃此援由是孤城愈危蹙矣十一月庚辰王明言敗江南兵萬餘人於湖口獲戰艦五百艘兵仗稱是

太宗太平興國元年十二月戊午幸造船塲賜工徒人千錢布一疋已

未幸講武池。二年正月辛卯幸講武池。七年冬十月戊辰幸金月池觀習水戰。八年三月癸酉幸金明池觀習水戰。雍熙元年夏四月乙酉幸金明池觀習水戰。謂宰相曰水戰南方之事也。今其地已定不復施用特習之不忘武功可也。紀

真宗祥符六年詔江淮習水戰於金明池按試立為水虎翼軍以太祖神衛水軍又廢故也。

高宗建炎元年六月己卯詔別置凌波等水軍。二年六月戊午言者謂東南武備利於水宜於江上廣造戰艦列於南岸仍防奸人有乘風盜襲之患設不此圖則寡不足以敵衆步不足以敵騎誤事必矣。己卯詔沿江措置限一月畢。紹興元年五月己酉淮南劇賊張琪衆五萬渡江寇諸縣進至饒境郡人大恐統制官閻皇者頓造之變將也。其時

其衆直犯中軍臯力戰而揣邦弼兩軍來擊遂大破之追奔五十里橫尸滿路賊又別遣精銳為水軍分道而進順皓自將水軍禦之賊敗走溺死者不可勝計。二年十二月己巳時鼎寇楊公黃誠聚衆至數萬

公主誅殺誠主謀畫據江湖以為巢穴其下又有周倫楊欽夏誠劉德分布遠近共有車船及海鯨船各數百隻

李龜年楊公本末曰車船者置人於前後踏車進退皆可其名大德小德山望三州渾江龍之類皆兩重載千餘人又設拍竿其制如大

統長十餘丈上置巨石下作輪輻貫其顛遇官軍船近即拍竿擊碎之渾江龍即為龍首每水關楊公多自乘此海鯨者鯨頭船也

蓋車船如陸載之陣兵海鯨船如陸載之輕兵而官軍船不能近每戰輒敗大率倫欽雖各有寨而專恃船以為強誠衡雖各有船而專恃寨以為固誠寨南據江東北阻湖惟西有陸路又設重城重濠及陷馬

仗衡寨北據江東西南皆阻湖誠衡每自詫曰地險如此除是飛來是月詔鼎澧鎮撫使程昌寓與荆南鎮撫使解潛分遣兵討之既而昌

寓奏殺賊五千餘人。紹興三年四月鼎寇楊公犯鄂荆公安石首兩縣甲午詔神武軍都統制王燧為荆南潭鼎澧岳制置使率所部全軍

併帶統制官崔塲水軍擣其巢穴仍仰淮東宣撫使劉光世各以舟五

十隻與之。四年十一月時承秦二州各有水寨民兵合力擊賊庚戌
上謂宰執曰淮民未能安業今又遭賊騎乃力奮忠義不忘國家實我
祖宗涵養之力宜與放十年租稅仍發錢米助之趙鼎曰陛下德澤如
此人心益固國祚益長矣。五年十月是月館職高閱言太祖欲平僭
偽嘗置神衛水軍至真宗祥符中以兵備不可廢乃選永卒於金明池
習戰棹以置營池側號虎翼軍當無事之日尚爾今沿海沿江雖有舟
師而繫于岸下乞時令按習以精其能庶幾緩急可用不至誤事也。
七年閏十月上數令江東宣撫使張俊盡以舟師分布控扼然後引兵
渡江左僕射趙鼎曰淮西寂然無警似不必爾外間便謂朝廷棄淮西
矣當一向勿顧不發一兵彼未必敢動上以為然。二十六年九月壬
午領殿前都指揮使楊存中言本司見造戰船乞置虎翼水軍一千人
從之。逆亮犯順至楊林瞰江持軍以為江可渡也李顯忠指畫依山
列馬步軍五分弋船以其二泊於東岸其一泊中流藏其二於蘆州港
中頃之賊麾戰艦渡江呼聲震天地賊舟及岸虜漸登陸遣時俊王琪

盛新載臯張振張榮逆擊之又疾遣弋船併進以神臂射敵弓射之賊
欲退隨向者江中所匿弋船出斷其後奪賊船三十餘艘繼以輕舸縱
火焚其戰艦火光蔽江煙焰徹天亮敗言行。三十一年十月丙子逆
亮登壇建黃繡旗二十張黃蓋亮執小紅旂麾衆渡江時王權所留水
軍軍船咸在而諸將未有統屬黃背用命盡伏山嶼惟提舉張振王琪
稍任其責允文自建康因使人督之賊舟漸近於是振琪與統制官時
俊盛新等徐出山嶼列于江岸賊初未之覺一見大驚欲退不可我軍
用海鯨船迎擊士皆死鬪虜舟沉溺者數萬其回北岸者亮皆殺之遂
不能濟允文具以捷聞丁丑虜復來望見軍船遽却我軍復以海鯨船
先往北岸截橫林渡口用却敵弓射之虜棄船上岸者悉陷泥中而斃
上以李橫劉記等不利急差御營宿衛使楊存中措置守江中書舍人
虞允文亦自建康馳至鎮江時江岸有軍船二十四艘賊已瞰江恐臨
期不堪駕用存中允文同淮東總領朱夏卿鎮江守臣趙公稱相與臨
江按試命戰士搭車船徑趨瓜洲將邊岸復回虜兵皆持蒲以待其船

中流上下回轉如飛虜衆相顧駭愕時遂亮已聞李寶由海道入膠西
焚其戰艦而荆鄂成問諸軍督順流而下亮愈怒乃回揚州召諸首約
三日畢濟過期盡殺之諸首謀曰南軍有備如此進有滄殺之禍退有
敵殺之憂奈何其中一首曰等死求生可乎衆皆曰願聞教其總管萬
戴者曰殺即王却與南宋通和歸卿則生矣衆口一詞曰諾亮有紫茸
等細軍不遣臨敵專以自衛諸首雖欲弑亮而細軍衛之嚴密無因謂
細軍曰淮東子女金帛皆逃在秦州我輩急渡江汝輩何不白即主往
取之細軍欣然共請亮從之於是細軍去者過半云云。乙未諸首集
萬餘人控絃直入亮寢帳左右親兵散走諸首射帳中矢下如雨亮即
死并殺其大傅三妃與謀事者十餘人。兀木入寇世忠以舟師赴
難兀木聞世忠在京口遽勒二十萬騎北還世忠遂提兵截大江以邀
之兀木遣使通問世忠亦遣使報之約日會戰戰數十日合虜終不得
渡虜乃益兵儀直勢接建康兀木軍其南辣疎軍于北世忠提海艦中
流南北接戰相持四十八日虜自知力憊世忠舟師中流鼓柁若神生

路垂絕乃一夕潛鑿小河而逃又言行錄載此

總論舟師

言舟師於今日當以中興論不當以宋初論夫舟師東南之長技也國
於西北者而用舟師非其所長也亦非其所恃也。我太宗嘗曰戈權
之戰南方所利今萬邦平定無所施用但習之不忘武功爾

太宗興國九年事見前篇

嗚呼信哉斯言是故入夔峽之鎖江用戰權可也今也捨舟而用步騎
卒以勝蜀

太祖征西川命劉光義出夔州路伐蜀上出夔峽地圖示光義曰夔
州有鎖江至此我軍泝流而上謹勿以舟爭勝當先以步騎陸行出
其不意擊之俟其稍却以戰權夾攻之光義等至夔悉知上所利
守采石之浮梁用戰艦可也今也捨舟而立橋木卒以捨全斌

開寶七年事見在前

非不用舟師也非其所長則非所恃也平河之軍非僅強於海道者

乎不出於海道未可以平海名也

江浙發運使楊允恭捕海寇四十九人送闕下上悉貸之顧左右曰此等越逸川澤習性已久可圍為一軍以備舟楫之役以平河為名水虎翼之軍非隸習於江淮者乎不出於江淮未可以虎翼名也

祥符六年事見前

用東南之所長而不自用其所長此君子不敢以**宋初**為法而必求之**中興**以後也蓋自六飛南渡駐蹕吳會守江以為門戶守淮以為藩籬士卒服習唯意所用是故舟師之効如此君子其可不以**中興**為法哉江漢湯湯武夫沈沈經營四方告成于王愚請俟告成之日而賦是詩

林嗣文

群書考索卷四十五

後集



